



Ramazan se bliži

Esselamu 'alejkum poštovana braćo i sestre,

Hvala Allahu Gospodaru svjetova. Salevat i selam na poslanika Muhammeda a s, na njegovu porodicu, na ashabe i sve iskrene vjernike i vjernice.

"Kakva god vas bijeda, tegoba, nesreća zadesi, to je zbog grijehova koje ste zaradili, a On mnoge i oprost." (Eš-Šura 30)

Zbilja današnjeg svijeta nije nimalo obećavajuća. Iako su neizostavni dio života na ovome svijetu, između ostalog, i razne nesreće, nepogode i nevolje koje pogađaju i pojedince i čitavu zajednicu, malo ko od nas je očekivao da nepogoda koja je pogodila cijeli svijet traje ovoliko dugo i da učini sa ljudima ono što je učinila. Naviknuti na blagodatni slobode, gotovo u svakom smislu, ljudi su u jednoj godini uskraćeni za mnoge moralne, materijalne i vjerske vrijednosti koje su godinama upražnjavali. Svjedočimo da su poremećeni porodični odnosi, da su ograničeni kretanja i okupljanja, da su zatvorene džamije i crkve, u mnogim sredinama i kuće roditelja i djece. Djeca su uskraćena za normalno pohađanje škole, mekteba i drugih aktivnosti koje su do prije godinu i koji mjesec bili sastavni segment svakodnevnog života. Ljudi postaju lako manipulacijama i raznim teorijama koje ozbiljno utiču na zdravlje ljudi. Onima koji su svjesni Allaha, Boga, lakše se nositi sa iskušenjima jer znaju pravi uzrok nevolje i trude se da to poprave na najbolji način. Zanimljivo je da Kur'an jednak broj puta spominje riječ NESREĆA i riječ ŠUKR (zahvalnost Allahu). Oni koji promišljaju o porukama Kur'ana tačno znaju uzrok nepogode i znaju kako se od nje osloboditi. (Jasin, 19, 20, 21)

Ramazan je na vratima naših domova, džamija. Ramazan je mjesec poseban. Mjesec Kur'ana. U njemu ima jedna noć koja je vrijednija od hiljadu mjeseci. Ramazan je mjesec u kojem Allah dž. š. nagrađuje i spavanje. To je mjesec u kojem samo onaj ko je asija/oholi ne bude pročišćen i očišćen od grijeha. Oslobodimo svoje duše raznih strahova i tereta koji je baš mnogo stežu, pritišću i ne daju da normalno diše. Budimo zahvalni Allahu na svim blagodatima, budimo strpljivi i revnosni u izvršavanju propisa koje je On iz milosti ljudima dao. Slijedimo upustvo koje je, stvorivši nas u najljepšem liku, dato već prvim ljudima na zemlji. Zanimljivo da u Ramazanu koji je pred nama, počnemo sa unutarnjim pospremanjem, čišćenem i postavljanjem životnih prioriteta onako kako je On odredio. Sve će nam biti lakše.

"Nadmećite se da u Gospodara svoga zaslužite oprost i džennet, prostran koliko su nebo i Zemlja prostrani, pripremljen za one koji u Allaha i poslanike Njegove vjeruju." (Hadid 22)

Ramazan nastupa uz Allahovu pomoć 12. aprila 2021. poslije akšama, prvi dan posta po vaktiji Islamske Zajednice u Bosni i Hercegovini je 13. april 2021, inšallah, a zadnji dan 12. maja 2021. Prvi dan Bajrama je 13. Maj 2021. (prvi Ševval).

IO Islamske zajednice Bošnjaka u Göteborgu, svjestan situacije u kojoj se nalazimo, nastoji učiniti sve što može kako bi olakšao džematlijama vršenje obreda koji su u našoj tradiciji desetljećima a koji se vrše u Ramazanu. Mi pratimo situaciju i pokušavamo utjecati na pozitivne promjene. Sve aktuelne informacije dostavit ćemo vam putem naših kanala kao što je Facebook, web stranica i mail.



Aktivnosti

Sve Ramazanske aktivnosti su prilagođene situaciji. Teravijah namaz, dnevni namazi i džuma namaz se, u skladu sa važećim restrikcijama, neće klanjati u džematu, a neće se održavati ni "Doček Ramazana" kao ni džematski iftari. Veliki je rizik da se ni Bajram namaz neće moći klanjati. Svakog dana u Ramazanu ćete moći pratiti mukabelu i slušati predavanja imama IZBUŠ-ovih džemata, putem naše džematske Facebook stranice, a naša vrijedna djeca i omladina će nam svoj Ramazan opisati na razne načine, što ćemo vam također svakodnevno predstavljati na Facebook i web stranici. Dječiju Ramazansku vaktiju i dodatni materijal za edukativne projekte za Ramazanske dane iskoristite da na jedan kreativan način svojim evladima uljepšate Ramazanske dane – materijal vam je dostupan na džematskoj web stranici. Naša omladina u Bemufu planira razne aktivnosti i takmičenja, između ostalog takmičenje u učenju Kur'ana – pratite Facebook za više informacija.

Zekat i sadekul Fitr

Zekat i sadekatul Fitr (Vitire) možete uplatiti preko Swish-a ili na džematski Bankgiro račun. Prilikom uplate molimo vas da naznačite svrhu uplate, npr. "Zekat" i ime osobe. Osnova za Zekat/visina nisaba ove godine iznosi 4 250 EUR. Uplatu gotovinom želimo izbjeći zbog bankovnih gotovinskih pravila kao i zbog pandemije i rizika zaraze.

Mekteb

Mektebska nastava će se održavati ONLINE (putem interneta) i uz Ramazan prema važećim terminima.

Umjesto sergije

Džemat se nalazi u ovoj godini u fazi prilično velikih investicija radi dobijanja upotrebne dozvole. Vaša pomoć, vaši prilozi su dobrodošli i potrebni kako bi se planirani radovi mogli završiti. S obzirom da nemamo uobičajenih okupljanja molimo vas da vaše priloge uplatite putem Swish-a ili Bankgiro.

Umjesto iftara

Umjesto planiranih iftara preporučujemo vam da uplatite priloge u Merhamet za akciju IFTARI-RAMAZANSKI PAKETI. Ova pomoć će se dijeliti u Bosni i Hercegovini uz Ramazan.

Nadamo se razumijevanju i molimo Allaha d.š. da nam oprost, smiluje se na nas i olakša nam stanje u kome jesmo, da nas sačuva bolesti a da bolesnima podari zdravlje. Amin.

Kontakt:

Svi oni koji imaju potrebu da komuniciraju s nama mogu to uraditi putem telefona, maila ili messenger poruka.

Telefon: 031-22 66 79 , Imam: 076 093 55 78

Mailadresa: goteborg@izb.se

Swish: 123 37 111 08 Bankgiro: 255-2990

RAMAZAN MUBAREK

Imam, Izvršni odbor Islamske Zajednice Bošnjaka Göteborg, Bemuf Göteborg